



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 27°C Min: 18°C
Dar 5:30-ab ni a chhuak ang a,
Tlai Dar 4:35-ab a tla leh ang.

Vol - VI Issue No. - 42

- Sahmulphah Thla -

8th November, 2020 (Pathianni)

Tunkar chang vawn : Rom. 12:2

"Tûnlai khawvêl awm dân ang hi tâwm suh u; in nun phung chu, in rilru tihthara awmin, tihdanglam ni vek rawh se; tichuan, Pathian duhzâwng, tha leh lawm tlâk leh that famkim chu in hrethiam thei ang."

Phainuam bomb puak chungchanga Mizoram Sawrkar Home Department thuchhuak

Mizoram Sawrkar Home Department chuan Phainuama bomb puak chungchanga hetiang hian thuchhuah a siam:-

Ni 7.11.2020 (Inrinni) zing dar 2 hma deuh khan Assam leh Mizoram inrina hrula Phainuamah mimal rama Bengali Medium School Building-ah mi tu tih hriatloh ten bomb an ti puak a, School Building a chhe nual tih hriat a ni. Hemi chungchang hi rang takin Sawrkar chuan a bawhzui nghal a. A hmunah Mizoram Police te leh Mizoram Forensic Team te tirh nghal an ni a. He thil thleng avang hian Pu Lalbiakthanga Khiangte, DIG (Northern Range) pawh a hote nen a hmun an pan nghal a ni.

Kan ram chhunga zirna school-ah hetiang thil duhawm lo thleng hi Sawrkar chuan pawh a ti tak zet a. Vairengte Police Station-ah case register nghal a ni.

Ramri chungchang avanga boruak tha lo leh harsatna thleng mekin ziaawm lam a pan chhoh mek laia boruak tha lo siam belh thei thil thleng hi Sawrkar chuan pawh a ti em em a. A rang thei ang bera chhui chhuah a nih theihna turin Sawrkar chuan hma a la chhonzawm zel dawn a ni.

Containment area puang

Assam-Mizoram ramria duty turin BSF-te Kolasib leh Bilkhawthlir-ah awm hmun khuarsak an ni dawn a. Covid-19 atanga kan him zawk nan leh fimkhur zawka inven nan Kolasib Bawrh sap chuan danin thuneihna a pek angin heng a hnuaia hmunte hi containment area-ah a puang a ni.

1. Diakkawn M/S I & RSTC Boys Hostel Vengthar, Kolasib.
2. Bilkhawthlir M/S III
3. Bilkhawthlir M/S IV

Sub-Hqtrs YMA SEC Meeting-in Ramri chungchanga thurel/rawtna panga nei

Khuangpuilam the 8th November, 2020 :

Sahmulphah thla tahrik ni 6, 2020 (Zirtawpni) khan Kolasib Sub Headquarters YMA Executive Committee, Meeting SYMA Committee Room-ah neih a ni a. Meeting hi President Pu C.Liankungan kaihruiin, Secretary Pu Thomas D.Lalengliana hnen atangin hmalakna reports ngaihtlak a ni a, tunlai Assam leh Mizoram ramri chungchang buainaah thurel/rawtna panga an siam.

1. Kan ramri vengtu Force-te tun a an dahna hmun hi chhuahsan lo tur leh an awm nghal theih nan Sorkarin chak takin hma la rawh se.
2. Ram pawn Motor leh Driver kan ram chhunga tangkhang te an ei leh in lo buaipuitute tanpui nan Vairengte lamah ₹ 20,000/- leh Buhchangphai lamah ₹ 5,000/- pek nise, hruaitute bawhzui atan dah a ni.
3. State Boundary ramri hi chinfel thuai anih theih nan leh ramri pawna Mizo tangkhang te him taka an rawn luh thuai theih nan Sorkarin chak takin hma la rawh se.
4. Ni 16.10.20 a ramri buai denchhena hmalaknaa kan thawhho naah lawmawm kan ti hle a, lawmthu kan sawi tak meuh a ni.
 - 1) Ramri depa khua a bik takin Vairengte, Saihapui 'V', Phaisen ram chhan nan a thih huam a nunna thap a in thawh ho naah lawmawm kan ti.
 - 2) Ram venna kawngah leh ram chhan nana State pawn atanga mamawh lakluhna tur a Sorkarin kawng a zawwna leh a hmalakna ah lawmawm kan ti.
 - 3) Boundary buai chungchang tanpuina petu mimal leh pawlte a bik takin Sub-Hqrs. pawn - Central YMA, Sub-Hqrs, Group leh Branch YMA te hnenah lawmthu kan sawi a ni.
5. Ramri buai chungchanga YMA hminga hmalakna turah Sub.Hqrs. YMA ngaichang chung a kal thin ni se tih a ni a. Hei hian Emergency a huam lovang.

BSF chungchanga sawrkar thuchhuak

Mizoram Sawrkar Home Department chuan BSF Company 3 lo thleng chungchanga a hnuaia mi ang hian thuchhuah a siam:

Tun hnuaia Assam sawrkar official leh Assam lam mipui thenkhatin Mizoram chhunga thlam an hal leh huan thlai an lo suasam chungchang leh COVID-19 duty post an lo tihchhiat te leh Vairengte daia intihbuaina avanga ramria Mizoram Police kan dahte Assam sawrkarin Assam ramah Mizoram Sawrkarin encroachment an rawn ti tiin kan police te inhnukdawh turin namen lovin Mizoram leh Central Sawrkar an nawr a. Mizoram Police hnukkir tura an nawrna hmanrua atan Mizoram luhka zawng zawngah road blockade an siam a.

Hemi avang hian ramri hrula boruak sosang zel tidai turin Central Sawrkar, Ministry of Home Affairs chuan Mizoram Sawrkar kutah BSF Company 3 an rawn dah a. Heng BSF Company 3-te hian Mizoram an rawn thleng chiaah hlawm a ni. Amaherawhchu, ramri hrula an awmna tur facilities peih a la nih loh avangin an awmna tur hi buaipui mek a ni. Vairengteah chuan Mizoram IR Police awmna thlang Lailapur lamah dah tum a ni. BSF Company 3-ten Covid-19 screening leh a kaihnawih an paltlang chhung leh an awmna tur buatsaih chhung hian Kolasib leh Bilkhawthlirah dah lailawh an ni.

BSF Company 3 Mizoram lo thleng chungchanga thu diklo veivir an awm tih hriat a ni a. Tuna kan thuchhuah hi Mizoram sawrkarin a kalpui dan a ni e.

YMA chu tanpui ngaite tanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
 Editor: Pu Ricky MS Dawngzela
 Jt. Editor : Pu Lalsiamkima
 Treasurer: Nl. Florence Zoremsangi
 Cir.Manager: Tv. Samuel Lalpekhlua
 Contact No: 9862501858 / 9612691291
 9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032

Vanapa Section

Leader : Pu Lalchualova
 87300 99599
 Secretary : Tv. Lallawmzuala
 87875 41803

Khuangchera Section

Leader : Pu Lalramzaua
 76408 95924
 Secretary : Pu Zachungnunga Hrahse
 76299 69989

Editorial.....

Fate khuahkhirh/thunun

Inkhuahkhirh emaw inthunun emaw hi engtiklai mahin a nuam ngai lova, a khuahkhirh/thunun te mai nilo a khuahkhirhtu/thununtu tan pawh thil nuam a ni ngai lo. Mahse chû'ng paltlang tawhte erawh chuan a thatna leh nawmna an hmu a, khuahkhirh/thunun an ni lo ang tih an hlau hnahnawh leh zawk thin.

Tanina luh ngai, a thente phei chu tihhlum hial ngai tura rorelna hmachhawn leh tute hi khuahkhirh-na/inthununna dawng ngai lo mi te an ni thin. Chû'ng mite chuan mittui tlain enkawltu an neih lohzia leh kawng dikhrilha an chunga thunun-na lekkawhtu tur an neih ve loh avanga an rilru natzia an sawite hi hmuhtur/ngaihthlak tur a tam asin.

A naupan laia a tah i hlauh/phal loh em em vanga hrem i phal loh hialkhan maw, a len hunah chuan in pahnih tahna a thlen ang. Chuvangin alawm, 'I fa chu vaw rawh, a thi dawn si lo,' tih te, 'Naupang chu a kalna tur awm kawngah zirtirla, a upat hun pawhin a thlah lovang,' tih zirtirna thufing tak kan loh neih reng ni.

Kan venghi venglian loleh tam lote mah ni la, Pathian khawngaihna a zarah fanau malsawmna kan dawnga, naupang kan thahnem phian a, a lawmawm. Amaherawh chu, naupang enkawlloh kan thahnem ang tih erawh a hlauhawm hle mai. A thente phei hi chu khawlaia tap reng mai hmuh tur an awm a, a thente phei hi chu vak thui ve tak tak an ni.

Kan fate hi khawiah nge, eng dinhmuna nge an awm tih i hria em?

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Nl. Florence Zoremsangi 9612761781	Financial Secretary Pu Rotlingpuia 9862385193

No. CYMA 74/2020-2021/3 of 5.11.2020

Central Young Mizo Association

Mizoram : Aizawl

Central YMA Thuchhuak

Central YMA Executive Committee thukhawm, Sahmulphah thla ni 5, 2020 (Ningani) chawhnu dar 2-a neih chuan, Mizoram leh Assam ramri buai avanga Mizoram in harsatna kan tawh mek chungchang sawi ho a ni a. Ramri buai avanga harsatna kan tawh mekah Sub-Hqrs./Group/Branch YMA-te hmalaknaah lawmthu kan sawi a ni. Mizo hnathlak India ram hmun hrang hranga mite leh ramdang a mite chungah thinlung takin lawmthu kan sawi baw e.

Kan boruak tawn chhoh mekah, Mizo mipuite tuarchhel taka hun harsa hnuaia dawhtheihna nen hun hmang theuh turin kan inngen a ni.

1. Asam Sawrkar-in Mizoram pawhtu nitin mamawh kan lak luhna kawngpui a dang ping tlat mai hi dan zah lohna leh palzutna lian tak a ni. He kawngpui dan pin tlat a ni hi kan dem takzet a, Mizoram mamawh lakluhna kawngpui hi a hma thei ang bera hawn a nih ngei theih nana hma la thui turin India Sawrkar kan phut tlat a ni.

2. Mizoram - Assam ramri, Mizoram china Mizo Police venhim hna thawk mekte hi hnuk kir lova, an awmna hmunah awm zui zel turin Sawrkar-in hma la rawh se.

3. Ramri buai avanga nitin mamawh a man pangngai aia sanga chhiar lo turin kan inngen a, Sub-Hqrs/Group/Branch YMA-te kan huamchhung theuhah hmala turin kan inngen e.

4. Silchar Mizoram House-a tangkhang mekte him dam taka lakchhuah an nih theih nan Sawrkar-in ruahmanna siam rawh se.

5. Sub-Hqrs./Group/Branch YMA-te kan huamchhungah chhuan-chham an awm loh nan kan theih ang tawka hmalak ni se. Hun harsa leh hun khirh tak hnuaiah Mizo mipuite inlungualna tha nei a, "Sem sem dam dam, ei bil thi thi," nunpuitu kan nihna lantir zel turin fan i la thar ang u.

Prof. Lalnuntluanga
 General Secretary

CYMA hmalakna

31.10.2020: Assam leh Mizoram ramri buai chungchang sawihovin Chief secretary Conference Hall-ah Meeting neih a ni a. CYMA, MZP, MSU hrutaitute an telin, CYMA aiawhin Pu Vanlalruata, President; Prof. Lalnuntluanga, Gen. Secretary; Prof. Malsawmliana, Asst. Secretary leh Er. H. Duhkima, CEC-te an tel.

2.11.2020: AMC huamchhunga Lock Down puan tur chungchang sawihovin Secretariat Conference Hall, MINECO-ah Home Minister, Health Minister hovin meeting neih a ni a, Pu Vanlalruata, President a tel.

4.11.2020: Chief Minister, Mizoram chu a Office Chamber-ah CYMA O.B-te'n an hmu a, Mizoram chak lakna kawngpui dan pin chungchanga hmalak zel dan tur an sawipui.

- Phaisen-a Assam hovin kawng an dan pin, an mahni vekin an thiah leh tak, a hmuna boruak awm dan thlithlai turin Central YMA hminga fehchhuah a ni a. Tv. Lalhmachhuana, Vice President; Prof. Malsawmliana, Asst. Secy; Pu Fabian Lalfakawma, Treasurer leh CEC mamberte - Tv. Zochhuana, Pu R. Lalduhzuala, Pu R. Lalpeka leh Pu H.F. Lalrinpuia te an kal.

Bawrsapin Eng pawl mah kal fal lo turin ti

Sahmulphah thla tahrik ni 5, 2020-a MJA, Kolasib District-te leh Kolasib bawrsap Dr. H. Lalthlangliana te'n inkawmna an neihah Bawrsap chuan ramria buaina avanga nitin mamawh phurtu lirthei za chuang Kolasib leh Vairengte inkarah ding an awm thu sawiin Kolasib district chhungah ei leh bar a harsatna a awm loh nan midang inngaichang chunga khawsak thiam a tul thu a sawi a, tun thlenga khawtlangah mahni mamawh bak lei/chhek khawl (Panic buying) an awm lo nia a hriat thu a sawi.

Bawrsap chuan ramri chungchanga hmalaknaah sawrkar leh pawl hrang hrangte thawhho a pawimawh thu sawiin, "Ramri thila harsatna kan hmachhawn mekah hian eng pawl mah kal fal awm lova, hmalakna rual khai taka kan kalpui a tul a ni," a ti.

Tunlai Ramri boruak chungchangah hian Central YMA demna lam Social Media, WhatsApp leh Facebook velah te hmuh tur a tam khawp mai! Central YMA hi kan mamawh chia em? Awm lo tawp pawh ni se ngai kan awm mai lo maw? CYMA O/B-ah hian Sawrkar hna thawk thlang lo ila tun ai hian YMA hian hma a sawn ngei ang? Hruaituten ek pawh an tluk lo! Branch angin felfai takin kan inkaihruai thei! CYMA hi kan mamawh lo, Branch tin kan inkaihruai thei! An tangkaina a awm lo! CYMA tel lo hian Branch YMA hi a kal reng thei! Branch hi a tawk viau! Pawnfen fen tir te, Central YMA zawm tawh loh te, Central YMA hi awm tawh lo mai se, tuna hruaitute hi bang nghal mai se etc tih duh pawl te kan awm ta nuaih mai!!!

A chungsa sawiselna leh demna hrang hrang han thlir khian Kum 2019 YMA Gen. Conference, N. Vanlaiphaia kan neih tuma Kum 2 chhung 2019-21 atana Zoram hmun hrang hrang aṅanga Conference Palai kal khawmin tuna kan hruaitute thlanna kan neih tum khan heng a sawiseltute hi an tel ve lo a nih ngei ka'n ring ngawt pek a. Nia, YMA Dan buah chuan Central YMA hruaitu thlanna vote nei thei chin a sawi kha Branch tin leh Group tin aṅangin mi 6 chauh zel an ni a. Hei bakah hian YMA Sub-Hqrs leh CEC ṅanglai bakah Central YMA O/B lo ni tawhte tih a ni a. Heng Vote nei thei zingah hian an tel lo palh ve thei tho mai!

Tin, Central YMA tel lo leh mamawhna awm miah loa Branch YMA ṅha taka kal thei tura kan ngai tlat pawh hi Organisation leh Kohhran hrang hrang inrel bawl dan thlirin a theih chia ang em aw? Mizoram hmun hrang hrangah hian Tlawmngai Pawl a ding thluah a, Thalai Hma sawn Pawl, Tang rual Pawl etc titein heng tlawmngai pawl dangte hi chu an Khua leh veng bil tan chauh a huam a, an Pawl thil tum pawh hian an Khaw bil leh Veng bil hi a pel lo a ni.

Tun lai ṅawng chuan Thliar kar rilru kan ti thei mai awm e. Tin, CYMA hi Society Act hnuaiah in-register-in chu registration chu YMA Branch 800 chuang leh YMA Sub-Hqrs leh Group ten kan inrin ṅawm vek a, Branch a hranga kal kha chu lo awm thei dawn mah se, YMA hming an put ve zel chu a rem chan loh hmel riau, a hranga kal duh tan YMA hming lo put ve kha a theih loh tihna a nih ber chu!

Mahni Khua leh Veng ṅheuh kha han ngaihtuah tlang ta ila, kan Branch YMA hruaitu atan hian Sawrkar hna thawk lo nge kan thlan ṅhin, Sawrkar hna thawk aw? Zoram pumpui bakah ram pawn YMA awmna han thlir hian Khawpui a ni emaw, Thingtlang a ni emaw Branch YMA hruaitu atan hian Sawrkar hna thawk kan la duh deuh zel zawk niin a la lang tlat?

Tichuan, heng kan Branch YMA hruaitute tho hi Group, Sub. Hqrs leh Central YMA hruaitu atana kan chhawp chhuah an ni leh lo thei lo chu a nih hi maw le? Central YMA hruaitu atan hian Sawrkar hna thawk lo kan duh tak tak a nih chuan kan awmna Branch-ah ṅheuh Sawrkar hna thawk lo thlan phawt a ngai a nih ber chu. A thu hrimah tuna kan Central YMA President hi Sawrkar hna thawk lo chu a ni asin maw le!!! A dang pangate erawh Sawrkar hna thawk vek chu an ni e.

Kan hriat tlan ṅheuh angin YMA hi kan Missionary-te kal tlanga din kha a niin, a din tirh aṅangin thil tum fel tak pathum nei sa a ni a. Tin, a thil tum mai bakah hian YMA member-te tan

Thuthlung 10 leh YMA member-te tan nih tum tur 10 a la awm cheu baw! Tichuan, Central YMA hi Society Registration Act, 1976 hnuaiah Kum 1977 khan a inziak lut ve a, a No. chu SR 4 of 1977 a ni.

Heng zawng zawng bakah hian YMA DAN BU a la nei ta cheu baw a ni. Hetiang hi a nih avang hian Central YMA chuan Mizoram mai ni lo; India ram pawn thlang a, zofate min phuar khawmtu kan ti lo thei lo vang! Tin, Branch emaw Group emaw phalna la hmasa lo chuan Branch YMA lo din ve ngawt theih pawh a ni lo. Chuvang chuan, Central YMA hi awm lo se tih emaw, Central YMA tel lo pawhin Branch a kal thei tho tih emaw hi chu tawngkam chuang a ni kan ti thei ang chu.

YMA hian kalphung fel tak a nei a. Chhiatni leh that niah te, a bik takin chhiat niah phe chuan YMA tel lo chuan kan ti hlei thei lo chu a nih hi! Tin, YMA hi Committee thu anga kal ṅhin pawl a ni tih hi hriat a ṅha baw ang. Thil eng pawh Committee-a rel hmasak ṅhin a ni e. Chuvang chuan, Central YMA emaw, Sub-Hqrs emaw, Group emaw, Branch emaw, Section emaw thlang hian tih tur tam tak a nei sa hrim hrim a. Hnam issue kan tihah ngat phe hi chuan Central YMA hi a tlan chhe ngai lo ti ila kan ti sual tampui lo vang!

Electoral Roll-ah te, Chakma chungchangah te, Tuikuk chungchangah te leh Mizo hnam peng hel ang chi thlang pawhin hma a lo la tawh ṅhin a ni. Kum 1995 a Tuikuk helin Mizoram khaw thlang lam leh Tripura-a kan Unaute an tih buai chungchangah pawh Central YMA hian theih tawp chu a lo chhuah ve tawh ṅhin a ni.

Nia, Mizoram ram ri chungchangah hian Central YMA duh khawp lohna au ri a nasa khawp mai! Chutih rual erawh chuan, Ram ri chungchang kher kher hi chu Sawrkar mawhphurhna leh tih tur a ni tih erawh kan hriat thar leh atan a tha khawp mai. Ram ri chungchangah hian District Council kan neih dawn te, Union Territory kan luh dawn te leh State kan nih dawn pawh khan YMA hirawn kan ni ngai lo a, sawrkarin Committee a din pawhin memberah an awm ngai lo niin a lang.

Mizoram chhung bikah pawh Civil Court-a case tam ber 70% hi ram ri buai a ni tih pawh hi hre tel ta ila. Tichuan, ram ri buaiah hian ram buai neitute lungawina leh inremna hi a pawimawh ber a, Assam nena kan ram ri buaiah hian CYMA hi inrawlh ta se he ram ri buai hi a fel mai theih kan ring em? Fel mai thei dawn se chuan kan hruaitute hi bak lengin an phe nghal mai lo maw? Chuti chung chungin, Central YMA hruaitute

(☹ Phek 4-na)

Kan lei hian ruh a neilo, thinlung erawh a chhuntlang thei, i thusawi fimkhur rawh.

Tun kar chungha Mizorama thil thlang langsar zualte

Buatsaihtu: V Kungtea Email : kungteavandiau0785@gmail.com

01.11.2020 : Ramri buai chungchângah Mizo mipui duh dân ni lova Mamit DC-in Karimganj DC inremna a siampui nia an hriat avângin zirlai pâwl pahnih, MZP leh MSU-te chuan DC pahnihte meeting minute an hâl.

- Covid - 19 hri kai mi 32 dam taka chhuah an ni.
- Chhûn lam khân Champhai Zotlâng panna kawng ngil pheiah bike-a mipa pathum inphur chu an che sual a, New Champhaia mi pahnih leh Khuangleng khuaa mi pakhat a ni a, New Champhaia mi pahnihte hi an boral.

02.11.2020 : Health Minister Dr.R Lalthangliana hova sâwrkâr mi pawimawhte ðhu khâwm chuan Aizâwl Municipal huam chhûnga hemi kâr Thawhlehi (3/11) zîng dâr 4:30 thlenga inkhârkhip puan chu November ni 9 thlang pawh sei an rêl.

- Covid - 19 hri vei thar mi 35 hmuh belh an ni.
- Covid - 19 hri kai mi 24-te chu dam taka chhuahtîr an ni a; tin, Dr. Vânlalânpuia, MLA pawh MLA hostel Covid Care Center chu dam takin a chhuahsan ve ta!
- Mizo Students' Union (MSU) General Hqrs. chuan tûn hnaia ramri buaina hrang hrang chingfel tûra chak zâwka hma lâk a nih theih nân Vairêngtê Police Station-ah FIR an thehlût.

- MNF District Hqrs., Lawngtlaia MNF ðhalai leh Women Front-te'n Lai Autonomous District Council (LADC) Chief Executive Member, Pu T.Zakûnga kaihhruai chu LADC-a sâwrkârna siam thei tûr khawpa MDC an neih loh avângin office kai chhunzawm thei lovin an dang.

03.11.2020 : Independent (ZPM) MLA Pu Lalduhoma bân tûra MNF MLA-te'n an ngenna chungchângah Assembly Speaker, Pu Lalrinliana Sailo office-ah hearing neih a ni.

- Kum nga liam taa Pu Sângliansiamate chhûngkua, Aizâwl Republic Vêng rawnng taka thattua puh, Laltlanchhuaha chu Aizâwl District Court-in thiam loh a chantîr.

- Covid - 19 hri vei 101 hmuh belh niin mi 27-te'n dam takin Covid Care Centre an chhuahsan.

- MNF District Hqrs. Lawngtlaia ðhalai pâwl leh Women Front-te'n LADC sâwrkâr BJP Executive Member-te (leh LADC staff-te pawh) pisa kai tûr an dan chhunzawm a, an hruiatu mi 11-te police-te'n an la hrang.

04.11.2020 : Covid - 19 hri kai 65 hmuh an ni a, dam mi 59 chhuahtîr an ni thung.

- Mara Students' Organisation (MSO) din champha-phâk waw 55-na hmun hrang hrangah lawm a ni.

- Chhiahtlâng tlangvâl Lalsângzuala, kum 30 chu tlai lam khân a ðhiante nân an ramvahnaah a ðhianpain kâp palhin a hmunah a thi.

- Champhai Excise & Narcotics Enforcement Staff leh 8th Assam Rifles ðang kawpte chuan Champhai Ruan-tlâng daiah Methamphetamine ₹ Nuai 650 hu leh Zokhaw-thar kawng Ruantlang daiah Methamphetamine mûm nuai 13, Kg 13-a rit leh a neitu nia puh mi 2, Thansânga, kum 25, Champhai Vêngthar nia insawi leh Khenmûnga, kum 56, Selâm khua nia insawite chu an man.

05.11.2020 : Pi Dârhawni, kum 78, Dûrtlâng Leitan, Covid - 19 vânga Falkâwn Zoram Medical College-a enkawl mêk chu zîng lam dâr 1:30 khân a thi.

- Hri kai tihdam mi 38 chhuahtîr an ni.
- Hmar People's Convention (HPC) Party President thar atân Pu Rohringa, Pu Chhûnga (L) fapa, Khatla, Aizâwl chu thlan tlin a ni.

Mihring ðhian hmasa ber Ui?

Mihring ðhian ðha ber 'ui' hi mihring ðhian hmasa ber pawh an ni mai thei niin mithiamte'n ui DNA an zirchian hnuah an sawi chhuak mauh mai. Ancient Genomics laboratory, London's Crick Institute chuan ui (dog) DNA zirchianna neiin kum 11,000 liam ta velah khan mihring hian ui an lo vulh daih tawh niin an hmu chhuak a, ramsa dang zawng aiin an vulh hmasa niin an hria.

Ui DNA zirchianna kaihruaitu Dr Pontus Skoglund chuan BBC hnenah pawh hemi chungchang hi hrilhin mihring zawng zawngin sa an veh lai daih tawha sa ei chi ui an lo vulh daih tawh chu thil danglam tak a nih thu a sawi.

Mithiamte hian hmasang ui (ancient dog) chi hrang hrang 27 genome zirchianna an nei a, hengte hi tunlai ui nente khaikhinin, ui ðhenkhat, thlahtu bul inang nia an hriatte pawh an tarlang tel nghe nghe a ni. Heng zirchianna an neih hi Europe mai ni lo, khawmualpui danga uite pawh an zirchiang vek a ni. Zawhte chu kum 6,000 liam ta, mihringin thlai chin nachang an hriat hnuah chauh vulh a nih an ring thung a, an thlai eichhetu sazu leh chaichim vel laka an thlai vengtu tura an duh avângin an vulh chauh a nih an ring.

Apple-in kumin Q3-ah Tablet an hralh hnem ber

Kumin third quarter (3Q20) khan Global tablet shipment-ah Apple chu hmahruaitu niin 29.2% shipment chu Apple-in an hauh niin International Data Corporation (IDC) chuan an tarlang. IDC report aþanga a lan dan chuan 3Q20-ah Apple hian tablet (iPad) maktaduai 13.9 an thawn chhuak a, year-over-year (YoY) growth 17.4% chu 17% a ni. Mahse market growth-ah erawh an tlahniam hret thung.

Samsung chu pahnihna niin tablet maktaduai 9.4 an thawn chhuak thung a, YoY growth 89.2% lai an nei thung. Nikum lamah kha chuan mtd 5 vel chiah an thawn chhuak a ni.

(☞ Phek 3-na zawm)

inrawlh lo tawp anga kan ngai hi chu a dik bik lo e, tunah pawh a hmunah ngei tlawhin team engemaw zat chu an feh chhuah ve bawh hi maw le.

Chuvang chuan, kan insawisel duh a nih pawhin heti bawrh bawrh lo deuh hian ti ila a ðha lo maw? Tuna kan Central YMA hruiatute dinhmunah hian ding ve ta ula engtin nge in tih bik ang aw tih pawh hi ka zawhna a ni e? A ðul a nih leh thurawnte pawh inpe zawk ðhin ta ila, kan hruiatute hi Mizote zingah chuan mipui chunglam leh puitling tak tak vek an ni tho bawh si a. Thil pakhat kan insawr binga kan tih lutuk hian he pawl pawl thianghlim, Politics rawngkai lo kan tih ðhin pawh hian a tuar ve mai lo'ng maw? Kan hruiatu hmasaten 'YMA chang rel a sual ngai lo,' an lo ti ðhin angin, tun kan hun tawngah pawh hian kan Central YMA hruiatute hian an la rel sual viau lo chuan kei chuan ka hria e !

YMA hi Mizoram leh Mizo zawng zawngte tan vul zel rawh se!